

Edif. CACTI, 2ª Planta Campus de Vigo 36310 Vigo España	Tel. 986 811 950 Fax 986 813 633	www.uvigo.es Universidade de Vigo - Registro Xeral
uvigo.es/servicios/alumnado	secciondeposgrao@uvigo.es	Saida Nº. 201500001467 26/01/15 13:42:17

RESOLUCIÓN REITORAL DO 26 DE XANEIRO DE 2015 POLA QUE SE PUBLICA A CONVOCATORIA PARA A TRAMITACIÓN DE SOLICITUDES DE RECOÑECIMENTO, NUN PROGRAMA DE DOUTORAMENTO, DE ACTIVIDADES REALIZADAS AO ABEIRO DE REGULACIÓNS ANTERIORES AO RD 99/2011, NO CURSO 2014/2015.

Convócanse dous prazos, para o curso 2014/2015, para a solicitude de recoñemento nun programa de doutoramento de actividades realizadas ao abeiro de regulacións anteriores ao RD 99/2011, coas seguintes condicións:

PRIMEIRA: O artigo 20 do RED establece que os cursos, estadías e traballos de investigación realizados na etapa de tese e que non formaran parte formativa de programas do Real Decreto 778/1998, do Real Decreto 56/2005 ou do Real Decreto 1393/2007, ou a realización doutros levados a cabo en programas de doutoramento dunha universidade española ou estranxeira, poderán ser recoñecidos polos equivalentes dun programa de doutoramento.

SEGUNDA: O alumnado solicitará o recoñecemento destas actividades **entre o 29 de xaneiro e o 13 de febreiro, ou entre o 4 e o 15 de maio de 2015**. Deberá presentar o modelo de solicitude TC-43, xunto coa documentación xustificativa da realización de ditas actividades. A Comisión Académica do Programa de Doutoramento (CAPD) poderá requirir un certificado expreso de que ditas actividades non constitúen parte do período formativo dos programas de doutoramento de orixe.

TERCEIRA: Previa comprobación da documentación polas secretarías dos centros de adscrición administrativa dos programas de doutoramento a CAPD emitirá un informe sobre a procedencia de recoñecer ou non ditas actividades e o trasladará á dirección da Escola Internacional de Doutoramento para que emita a correspondente resolución. Dita resolución será emitida antes do 13 de marzo, para o prazo de febreiro, e antes do 12 de xuño, para o prazo de maio de 2015.

CUARTA: A resolución de recoñecemento será comunicada pola Sección de Posgrao, tanto ao solicitante como á secretaría do centro, que incorporará o recoñecemento ao expediente do alumnado e procederá ao seu arquivo.

Contra a presente resolución, que esgota a vía administrativa, poderase interpor recurso ante a xurisdición contencioso-administrativa no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa. Así e todo, os/as interesados/as poderán optar por interpor contra esta Resolución recurso de reposición no prazo dun mes contado a partir do día seguinte ao da súa publicación, ante o mesmo órgano que a dictou. Neste caso non caberá interpor o recurso contencioso-administrativo antes citado mentres

non recaiga resolución expresa ou presunta do recurso de reposición, de acordo co disposto na Lei 4/1999, do 13 de xaneiro, modificadora da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

Vigo, 26 de xaneiro de 2015

O REITOR,
Por delegación RR de 07/05/2014
O Director da Escola Internacional
de Doutoramento (EIDO)



[Handwritten signature]
Antonio García Pino

SR. VICERREITOR DE EXTENSIÓN UNIVERSITARIA E RELACIÓNS INTERNACIONAIS
SRA. VICERREITORA DE ORGANIZACIÓN ACADÉMICA E PROFESORADO
SRA. SECRETARIA XERAL
SRES./AS. DIRECTORES/AS DECANOS/AS DOS CENTROS CON MESTRADOS UNIVERSITARIOS
SRA. XEFA DO SERVIZO DE ALUMNADO
SR. XEFE DO SERVIZO DE EXTENSIÓN UNIVERSITARIA
SR. XEFE DOS SERVIZOS INFORMÁTICOS DE XESTIÓN
SR. XEFE DE SECCIÓN DE POSGRAO E FORMACIÓN CONTINUA
SRA. XEFA DE SECCIÓN DE XESTIÓN E ADMISIÓN DE ALUMNOS
SRA. XEFA DE SECCIÓN DE TÍTULOS E PLANOS DE ESTUDO
SRA. XEFA DE SECCIÓN DE BOLSAS
SRES/AS ADMINISTRADORES/AS DE CENTROS CON PROGRAMAS DE DOUTORAMENTO
SRES/AS XEFES/AS DA ÁREA ACADÉMICA DOS CENTROS CON PROGRAMAS DE DOUTORAMENTO
SRES/AS RESPONSABLES DOS REXISTROS
SRES/AS XEFES/AS DAS ÁREAS DE SERVIZO Á COMUNIDADE
SRA. XEFA DE NEGOCIADO DE INFORMACIÓN XERAL
SRES/AS COORDINADORES/AS DOS PROGRAMAS DE DOUTORAMENTO